
SIARAN BERITA

MyCC MENGELUARKAN LANGKAH INTERIM KEPADA PENGELUAR AIS

KUALA LUMPUR, 21 Januari 2014 – Suruhanjaya Persaingan Malaysia (MyCC) hari ini telah mengeluarkan Langkah Interim dibawah Seksyen 35 Akta Persaingan 2010 (Akta) ke atas 26 pengeluar ais yang berkemungkinan melanggar Seksyen 4(2)(a) Akta Persaingan 2010.

MyCC mempunyai alasan yang munasabah untuk mempercayai bahawa keputusan 26 pengeluar ais untuk bersepakat menaikkan harga ais tiub boleh dimakan dinaikkan sebanyak 50 sen setiap beg dan RM2.50 setiap blok ais mulai dari 1hb Januari 2014, mempunyai kesan menghalang, menyekat atau mengganggu persaingan secara signifikan di Semenanjung Malaysia.

“Seperti yang dinyatakan dibawah Seksyen 35(2), demi menghalang kerugian serius dan tidak boleh dibaiki dari segi ekonomi atau selainnya, serta melindungi kepentingan orang awam, pihak MyCC telah mengeluarkan Langkah Interim terhadap kesemua 26 pengeluar ais untuk menghentikan tindakan mereka untuk menaikkan harga secara kolektif berikutan kenyataan mereka pada 24 Disember 2014,” kata Ketua Pegawai Eksekutif MyCC, Shila Dorai Raj.

Tambahnya lagi tindakan mereka menetapkan harga secara kolektif boleh dianggap sebagai kartel dan mempunyai kesan negatif ke atas semua pengguna ais termasuk dari industri makanan, minuman dan perikanan.

MyCC telah mengeluarkan notis kepada 26 pengeluar ais tersebut, dan telah memberi mereka tempoh tujuh (7) hari bekerja untuk membuat representasi lisan.

Dalam satu kenyataan bertarikh 24 Disember 2013, yang dikeluarkan oleh 26 pengeluar ais di akhbar harian tempatan, mereka telah berkata akan menaikkan harga harga ais tiub boleh dimakan sebanyak 50 sen setiap beg dan RM2.50 setiap blok ais mulai dari 1hb Januari 2014.

26 pengeluar ais adalah seperti berikut: –

- 1) Atlas Edible Ice Sdn Bhd (198860-X)
- 2) I-Bing Tube Ice Sdn Bhd (674381-W)
- 3) BNI Sdn Bhd (487305-K)
- 4) Chuan Heng Trading (Kajang) Sdn Bhd (603491-U)
- 5) S. P. Edible Ice Sdn Bhd (1015439-V)
- 6) Everest Aisvaram Sdn Bhd (613655-M)
- 7) Fui Wah Enterprise Sdn Bhd (713495-M)
- 8) Kajang Crystal Ice Sdn Bhd (453614-A)
- 9) KFI Coldstorage Sdn Bhd (493872-P)
- 10) Pacific Tube Ice Sdn Bhd (719718-H)
- 11) Shukor Sakam Ais Rintik-Rintik Sdn Bhd (578613-D)
- 12) Perfect Tube Ice Sdn Bhd (351726-U)
- 13) SJ Ice Sdn Bhd (640597-T)
- 14) Sunflower Heritage (Klang) Sdn Bhd (797210-T)
- 15) Twilight Tube Ice Sdn Bhd (308272-T)
- 16) Wai Mah Trading (000895329-T)
- 17) United Sundry Goods (Taiping) Sdn Bhd (183610-A)
- 18) Jade Tube Ice Manufacturing Sdn Bhd (401831-W)
- 19) Thien Nam Sdn Bhd (389367-H)

-
- 20) Ocean Land Sdn Bhd (17361-D)
 - 21) Ais Ceria Trading (001403049-A)
 - 22) Ais Everest Sdn Bhd (574195-T)
 - 23) Citi Ice Marketing (000898336-D)
 - 24) AE Ice Sdn Bhd (928323-D)
 - 25) KS Trading (SA0084404-A)
 - 26) Dynamic Tube Ice (Nisar & Sons Sdn Bhd; 889385-X)

Untuk maklumat lanjut tentang MyCC dan Akta Persaingan 2010, sila rujuk laman web MyCC di www.mycc.gov.my .

---tamat---

NOTA PENGARANG:

Butiran mengenai Seksyen 4 (1) dan (2) Akta Persaingan 2010: *Perjanjian mendatar dan menegak yang dilarang adalah seperti berikut:

4. (1) Suatu perjanjian mendatar atau menegak antara perusahaan adalah dilarang setakat yang perjanjian itu mempunyai matlamat atau kesan menghalang, menyekat atau mengganggu persaingan secara signifikan dalam apa-apa pasaran bagi barangan atau perkhidmatan.

(2) Tanpa menjejaskan keluasan subseksyen (1), suatu perjanjian mendatar antara perusahaan yang mempunyai matlamat untuk—

(a) menetapkan, secara langsung atau tidak langsung, suatu harga belian atau jualan atau apa-apa syarat perdagangan yang lain;

(b) berkongsi pasaran atau punca bekalan;

(c) membataskan atau mengawal—

(i) pengeluaran;

(ii) saluran keluar pasaran atau capaian pasaran;

(iii) pembangunan teknikal atau teknologi; atau

(iv) pelaburan; atau

(d) melakukan tipuan bida, adalah disifatkan mempunyai matlamat atau kesan menghalang, menyekat atau mengganggu persaingan secara signifikan dalam apa-apa pasaran bagi barangan atau perkhidmatan.

*“Perjanjian mendatar” ertinya suatu perjanjian antara perusahaan yang setiapnya beroperasi pada peringkat yang sama dalam rangkaian pengeluaran atau pengedaran; “Perjanjian menegak” ertinya suatu perjanjian antara perusahaan yang setiapnya beroperasi pada peringkat yang berlainan dalam rangkaian pengeluaran atau pengedaran.

2. Penerangan lanjut mengenai Seksyen 35 Akta Persaingan 2010:Langkah interim

35. (2) Jika Suruhanjaya mempunyai alasan yang munasabah untuk mempercayai bahawa mana-mana larangan di bawah Akta ini telah dilanggar atau mungkin dilanggar dan Suruhanjaya berpendapat bahawa adalah perlu baginya untuk bertindak di bawah seksyen ini oleh sebab perkara keterdesakan bagi maksud—

(a) menghalang kerugian serius dan tidak boleh dibaiki dari segi ekonomi atau selainnya, kepada seseorang atau suatu kategori orang tertentu; atau

(b) melindungi kepentingan awam,ia boleh memberikan suatu arahan yang difikirkannya sesuai dan bersekadar bagi maksud itu.

(3) Suatu arahan yang diberikan di bawah subseksyen (2) boleh termasuk menghendaki atau menyebabkan mana-mana orang—

(a) untuk menggantung kuat kuasa, dan menghentikan daripada bertindak mengikut, mana-mana perjanjian yang disyaki melanggar mana-mana larangan di bawah Bahagian II;

(b) untuk menghentikan daripada apa-apa perlakuan yang disyaki melanggar mana-mana larangan di bawah Bahagian II; atau

(c) untuk membuat, atau menahan diri daripada membuat, apa-apa perbuatan, tetapi yang tidak menghendaki pembayaran wang.

(4) Suruhanjaya hendaklah, sebelum memberikan suatu arahan di bawah subseksyen (2)—

(a) menyampaikan suatu notis bertulis kepada orang yang kepadanya ia bercadang untuk memberikan arahan itu; dan³² Undang-Undang Malaysia AKTA 712

(b) memberi orang itu suatu peluang untuk membuat representasi bertulis dalam tempoh sekurang-kurangnya tujuh hari dari tarikh notis bertulis itu.

(5) Suatu notis di bawah subseksyen (4) hendaklah menunjukkan jenis arahan yang dicadangkan untuk diberikan oleh Suruhanjaya dan sebab-sebab bagi pemberian arahan itu.

(6) Suruhanjaya boleh pada bila-bila masa menarik balik suatu arahan yang diberikan di

bawah subseksyen (2).

(7) Tanpa menjejaskan subseksyen (6), mana-mana arahan yang diberikan di bawah subseksyen (2) hendaklah terhenti berkuat kuasa—

(a) pada tarikh keputusan oleh Suruhanjaya selepas selesai siasatan di bawah seksyen 14; atau

(b) dua belas bulan dari tarikh arahan itu diberikan, mengikut mana-mana yang lebih awal.

Untuk pertanyaan media, sila hubungi:

Rowena Wong, Tel +603 2273 2277 (ext 111), Email: rowena@mycc.gov.my

Anis Syafiq, Tel +603 2273 2277 (ext 217), Email: anis@mycc.gov.my

Unit Komunikasi Korporat

Suruhanjaya Persaingan Malaysia (MyCC)

Suruhanjaya Persaingan Malaysia (MyCC)

Ditubuhkan pada Jun 2011, MyCC ialah satu badan bebas bertanggungjawab untuk menguatkuasakan Akta Persaingan 2010, yang dilaksanakan untuk menggalakkan persaingan sihat yang seterusnya akan merangsang produktiviti dan inovasi, lantas mewujudkan pilihan produk atau servis yang lebih banyak kepada pengguna dan kualiti yang lebih baik pada harga yang berpatutan.

Akta ini digunapakai kepada semua aktiviti komersil yang ditanggung didalam dan diluar Malaysia yang boleh menjejaskan persaingan di pasaran Malaysia. Ia memberikan satu rangka kerja kawal termasuk kuasa menyiasat, menghakimi dan mengenakan penalti-penalti kepada pesalah undang-undang persaingan.

Untuk maklumat lanjut tentang Akta dan MyCC, sila rujuk laman web www.mycc.gov.my.